

張仲景金匱要畧論註卷二十二

構李徐

彬忠可甫著

姪徐

耀朗仙父較

婦人襍病脉證并治第二十二

論一首

脉證合十四條

方十四首

婦人中風七八日續來寒熱發作有時經水適斷此
爲熱入血室其血必結故使如瘧狀發作有時小柴
胡湯主之方見嘔吐中

註曰婦人熱入血室有四人血室必譫語此則不

譖語而但如瘧狀者謂傷寒男女皆有之。而婦人有獨異者。故首曰婦人中風。卽傷寒中所主桂枝湯之風證也。七八日則表邪已解矣。復有寒熱。故曰續來。然不長熱。故曰有時。問其經水則已來而適斷。明是餘熱未盡。乘虛入之。則餘血必有結者。故寒熱有時。然非太陽傳入少陽之比。因結血之熱致有此病。故曰使如瘧狀。雖非傳入少陽之比。其藥仍用小柴胡者。蓋血室之氣肝主之。肝與膽爲表裏。膽因肝受邪而病如瘧。非他藥所宜。故亦

主和其半表裏謂上焦氣和而驟結之血將自行
若峻攻之如抵當湯證則亦犯少陽之禁也
婦人傷寒發熱經水適來晝日明了暮則譫語如見
鬼狀者此爲熱入血室治之無犯胃氣及上二焦必
自愈

註曰此言熱入血室不必血結而初卽搏邪爲患
者曰傷寒卽所謂無汗惡寒者也曰發熱此病之
初也曰經水適來來則經水初行之時也邪盛經
氣亦盛適相值寒邪必傷榮故邪與血搏血屬陰

王夜故晝則熱雖發而明了暮則入陰分邪挾陰
氣而爲譫語如見鬼狀者譫之甚也此爲熱入血
室者言血室雖在內而表邪實未嘗犯胃及上二
焦之內故曰此者只此而非表邪入裏也治法亦
惟和表邪而畧兼清血室之熱足矣誤以爲客邪
入內而攻之則所傷實多故曰無犯胃氣及上二
焦必自愈必云者內原無病可攻故雖不治而必
愈也

婦人中風發熱惡寒經水適來得七八日熱除脉遲

身凉和胸脇滿如結胸狀讞語者此爲熱入血室也
當刺期門隨其實而取之

註曰此言經與病值不卽爲患而病解後反搏邪
在胸脇作楚者謂中風病雖稍異于前之傷寒然
發熱惡寒經水道求與前之邪盛經亦盛無二後
七八日熱除脉遲身凉和是經在病中行而不礙
也却七八日後反胸脇滿如結胸狀讞語是入血
室之熱不竄于經而結于肝之府故脉之所過處
爲滿甚則如結胸狀陰火盛則讞語也然滿雖在

金匱要略論語 卷二十一
三
胸脇非少陽表邪。雖如結胸。非太陽表邪入裏。雖
讖語。非胃實。故曰此熱入血室。亦見不可誤攻胃。
及上二焦也。當刺期門。期門者肝之分也。此肝實
之病。瀉其實則愈。故曰隨其實而取之。

陽明病下血。讖語者。此爲熱入血室。但頭汗出。當刺
期門。隨其實而瀉之。漑然汗出者愈。

註曰此言陽明病亦有熱入血室者。但下血頭汗
出不同耳。陽明病卽頭痛鼻乾不眠是也。假如轉
入陽明之腑。則必有汗譫語等爲可下之證。何緣

而動血。乃下血。譫語。故知爲熱入血室。然陽明宜
通身有汗。此血中有熱。而血耗耗。則下虛搏邪。身
爲燥陰所把。故無汗。唯頭則陰不能入。而陽仍通。
故汗。此病亦由肝實。不當責陽明。故亦刺期門。而
曰。隨其實。而瀉之。戢然者。通身微微似汗也。汗則
肝不强。而陰陰平。故愈。

論曰。熱入血室。仲景專就婦人言之。以有血室而
行經。婦人所獨也。然男子兩腎間七節下。亦有血
海穴。假令平日血弱之人。感風寒。亦或能襲之。凡

見有陽明證而變下血譫語中風已愈而如瘡傷
寒初起而夜如見鬼中風已愈而脇滿譫語不當
以此意通之乎

婦人咽中如有灸瘻半夏厚朴湯主之

註曰此條卽後所謂寒傷經絡凝堅在上也灸瘻
譬如乾肉也千金所謂咽中帖帖如有灸肉吐之
不出吞之不下狀如有灸瘻數語甚明切此病不
因腸胃故不礙飲食二便不因表邪故無骨痛寒
熱乃氣爲積寒所傷不與血和血中之氣溢而浮

吐血瘧瘧
不與血和
而妄出或
上氣亦宜
用之

於咽中得水濕之氣而凝結難移婦人血分受寒
多積冷結氣最易得此病而男子間有之藥用半
夏厚朴湯乃二陳湯去陳皮甘草加厚朴紫蘇生
薑也半夏降逆氣厚朴兼散結故主之薑苓宜至
高之滯而下其濕蘇葉味辛氣香色紫性溫能入
陰和血而兼歸氣於血故諸失血以赤小豆和丸
服能使血不妄行夏天暑傷心陰能下暑鬱而灸
鬱者用之則氣與血和不復上浮也

論曰余治王小乙咽中每噎塞嗽不出余以半夏

即四七湯
加生薑

厚朴湯投之即愈後每復發細間之云夜中燈下
每見暈如團五色背脊內間痠其人又壯盛知下
初因受寒陰氣不足而肝反鬱熱甚則結寒微動
挾腎氣上衝咽喉塞噎也即于此方加大劑枸杞
菊花丹皮肉桂暈乃漸除而咽中亦愈故曰男子
間有之信不誣也

半夏厚朴湯方

半夏一升 厚朴三兩 茯苓四兩 生薑五兩

乾蘇葉二兩

原本藏字
與陽通

右五味以水一斗煮取四升分溫四服日三夜一服

婦人藏燥悲傷欲哭象如神靈所作數欠伸甘麥大
棗湯主之

千金論藏
虛藏燥俱
槩指陰分
言總是陰
分燥則乘
肺乘肝皆

註曰此條卽後所謂或有憂慘悲傷多嗔也藏五
臟也燥謂婦人血室先受積冷而鬱久爲熱則藏
爲之燥靈樞曰一陰主關關之闔折則肝氣絕而
善悲則知燥氣乘肝爲悲傷欲哭象如神靈所作
病從血來故見陰象也靈樞曰胃病善伸數欠顏

能作悲濟

陰綱目單

治脉宋

是更將此

條帶入治

前尤非

麥爲肝家

之穀故亦

能滋肝

黑則知燥氣侵胃爲欠伸然使肝氣津潤君火不
亢則藏陰之燥不敢乘肝侵胃今令悲傷欠伸其
肝陰之熱可知心分之熱亦可知故以甘麥大棗
湯主之謂小麥能和肝陰之客熱而養心液且有
消煩利洩止汗之功故以爲君甘草瀉心火而和
胃故以爲臣大棗調胃而利其上壅之燥故以爲
佐蓋病本于血心爲血主肝之子也心火瀉而土
氣和則胃氣下達肺藏潤肝氣調燥止而病自除
也補脾氣者火爲土之母心得所養則火能生土

也。

甘麥大棗湯方

甘草三兩 小麥一升 大棗十枚

右三味以水六升煮取三升分溫三服亦補脾氣
婦人吐涎沫醫反下之心下卽痞當先治其吐涎沫
小青龍湯主之涎沫止乃治痞瀉心湯主之

方俱見前

註曰此條卽後所謂疑堅在上嘔吐涎唾也婦人
下焦素有積冷而凝于上之內爲飲又得客寒故
吐涎沫是積寒爲本而客邪爲標也然邪高在肺

宜從傷寒。心下有水氣者。論治。但彼無積寒。故乾
嘔。此有疑寒。故有涎沫耳。醫者下之。是胃末受邪。
而誅責無過。故曰。反藥傷其胃。客氣動膈。故心下
卽痞。究竟下雖作痞。而上之客寒水氣未服。當先
治其本。故主卜青龍。則水氣與客寒俱去。而涎沫
止。痞不過。誤下之陰邪客于心下。故以大黃芩連
峻瀉心下痞。鬱之邪可一服而愈也。

婦人之病。因虛積冷。結氣爲諸經水斷絕。至有歷年
血寒。積結胞門。寒傷經絡。凝堅在上。嘔吐涎唾。久

成肺癰形體損分

在中盤結繞臍寒疝或兩脇疼

痛與藏相連

或結熱中痛在關元脉數無瘡肌若

魚鱗時着男子非止女身

在下未

此字疑誤

多經候不

勻令陰掣痛少腹惡寒

或引腰脊下根氣衝氣衝

急痛膝脛疼煩

奄忽眩冒狀如厥癰或有憂慘悲

傷多嗔

此皆帶下非有鬼神久則羸瘦脉虛多寒

三十六病千變萬端審脉陰陽虛實緊弦行其針藥

治危得安其雖同病脉各異源子當辨記勿謂不然

註曰此段敘婦人諸病之由所以異於男子全從

經起舍此則與男子等也。及其變爲各病因稟之
強弱時之虛實上下寒熱之偏勝而見證不同其
治之或從標或從本卽前後所述諸病可推此則
言其大槩也。婦人之病至胞門數句爲一篇綱領。
因虛積冷結氣六字尤爲綱中之綱。謂人不虛則
邪不能乘之。因虛故偶感之冷不化而積氣熱則
行冷則凝冷氣凝滯久則結結者不散也。血遇冷
氣而不行則經水斷絕然有微甚上下不同故曰
諸至有歷年血寒者氣冷則血寒也。胞門卽子宮